

說時本罪若實知作知想不見聞覺作不見聞覺想彼作此想後言我不知然有見聞覺說時得本罪若苾芻尼凡所有語違心而說皆得本罪若不違心而說者並皆無犯

十三末

根本說一切有部苾芻尼毗奈耶卷第十一 殊一

苾芻上類必反 伽胝下珍逢音 嗚恒上烏骨反
達脚崎下丘反 喬答上渠反 金環下音 越尺小反 擘
捕麥勝鬘下莫反 掖旅二音呂反 弊毗奈反 戟君逆反 萎
烏為波拏下尼反 鐸徒各反 羅估下音 突徒骨反 脊
脊上音跡反 牽吐上蘇反 褒灑上博毛反 下所馬反

平江路磧沙延聖寺比丘志願情言伏自行年庚戌年十七歲育

平江路磧沙延聖寺比丘志願情言伏自行年庚戌年十七歲育

初二日建生發心施中統鈔伍伯錠助開本寺

大藏經流通

聖教仰報

佛恩用資三有乞保現世福壽增崇他生二嚴俱備常作比丘形

永為釋子凡在時中吉祥如意者

大德十年歲在丙午二月

日意願

根本說一切有部苾芻尼毗奈耶卷第十二 殊二

唐三藏法師義淨奉 制譯

毀訾語學處第二

尔時薄伽梵在室羅伐城逝多林給孤獨園是時六眾苾芻每於諸苾芻處作毀訾語云眇目孿臂背偃侏儒太長太短太瘦太細聾

乙

徐

盲瘖瘂拐行腫脚秃臂大頭哆唇齩齒是時六眾苾芻作如是等毀訾語時諸苾芻聞已漸被憂愁不樂讀誦思惟悉皆廢闕懷憂而住時有少欲苾芻見其事已成生嫌賤作輕毀言云何苾芻於苾芻處而作毀訾云眇目等如上所說時諸苾芻以緣白佛爾時世尊以此因緣集二部眾乃至問六眾曰汝等實作毀訾語惱諸苾芻云眇目等耶六眾答曰實爾大德世尊即便種種呵責廣說如上乃至此非沙門汝所應作事所以者何汝等當聽往古世時於聚落中有一長者娶妻未久歡愛同居便生一女年漸長大長者單身躬

為耕墾時有居士子父母俱喪常於林野取
樵為業持其樵擔來至耕處田頭樹下棄擔
息有見彼長者躬自耕作就而問曰阿舅何
故衰年自營辛苦應居村落翻在田疇報言
善來外甥我無兄弟復無子息不自躬耕衣
食寧濟彼便報曰阿舅我且代耕仁當暫息
即便執犁代其耕作遂至日午家中食來喚
言外甥可來共食既共食已報言阿舅宜可
還家然我未知舅之宅處至日晡後當出村
外路首相迎長者聞已即便歸舍時居士子
耕至日晚牛放青稈躬持草擔并取柴束驅
畜而歸至彼村隅長者迎見遂即將歸到其
宅所時居士子掃除廠庖布以乾土并設火
烟多與牛草長者見已作如是念我由此兒
今受安樂我之小女當與為妻令其食已報
云外甥當住於此勤修家業此之小女授汝
為妻報言甚善即依處分營作生業時彼長
者家有二牛每令驅使大者為性調善小者

稟識貪饕雖復拘制犯暴是常童子發憤放
石遙打折其一角因名秃角後於他日尚犯
田苗同前不止便放鎌斫遂截其尾因名秃
尾秃角後於異時居士子告長者言阿舅先
所許親幸可為作介時長者言好便告妻曰
賢首衣服瓔珞當可管辦珠二小女不久欲為婚
姻妻便問曰曾未與人如何辦具長者報曰
吾已與人妻曰是誰報此居士子妻曰此人
宗族本不委知如白胡椒莫了生處如何以
女輒作婚姻凡婚姻者親屬還往飲噉追呼
氏族相應我方與女報其妻曰賢首此居士
子自至我家由斯代勞得受安樂此若無者
還嬰辛苦不免躬耕妻報夫曰我實不能將
所愛女與客作人世間之人多用妻語是時
長者便作是念我若報云不與女者作人今
日便捨我去我還不免自執耕犁今且詭設
方便勿令即去時彼作人復於異時告長者
日家長宜應作婚姻事報曰外甥我家親族

其數寬廣聚集之時多須飲食宜待秋熟稻穀收成既收穀已復告成婚報言外甥事須沙糖宜待甘蔗此既收已復告成婚報言外甥麩麵是資當待麥熟既收麥已復告成婚報言外甥陳稻將盡可待新粳時居士子見作推延遂生此念無容田實揔一時成看此

事由便成誰我今宜可往以告眾人若不與者經官取定便對眾人告云阿舅可作婚姻諸人聞已告長者曰許言已久何不爲婚是時長者怒而告曰諸君當知此是我舍客作之人我以何緣共爲婚娶時居士子便作是念我不得錢復不得婦虛淹歲月莫見成功

我今宜可損害其人方隨意去便將二牛半日驅使多與杖捶繫之枯樹曝以烈日方始言歸近劫初時畜解人語大牛便告居士子曰汝先於我共相愛念恩同父母知我劬勞何故今時多行杖楚繫之枯樹曝以烈日棄我還家我於汝處有何憊過居士子曰汝無

有咎然汝曹主於我有過牛曰彼有何過報曰先許與女今者違信牛曰何不經官男子報曰爲無證人牛曰我等爲汝而作證人男子曰爲作人語爲作牛音荅曰不作人語我當現相汝當爲盟引我爲證令人表知牽我二牛繫於廠內莫與水草滿七日已可於地

中多水草處放我今出乃至傍人來覩信驗我等噤口不噉水草我現相貌令王大臣信汝言實我當飲敢是時男子聞是計已即便俱解放茂草中自詣王所致敬白王大王某村長者許女爲婚使役多年今乃翻悔王嘆長者問其虛實長者白云我實不許王問男

子汝有證不白王言有王曰爲人爲非人白言非人王曰是何白言是牛王曰爲作人語爲餘語耶白言不作人語王曰如何成證白言彼有實信令人表知其牛於七日中繫在廠內莫與水草滿七日已可於地中多水草處放牛今出我引爲證必有奇相乃至大王

未信已來牛終不食此若虛者我當死罪王命臣曰當依此言看其證驗大臣奉教便取二牛繫之廠內不與水草時秃角秃尾報大牛曰豈期顛倒唯獨我等日出西方幽閉廠中不聞水草大牛報曰豈非我許居士子為作保證於七日中自餓而住乃至王未信來不食水草秃尾秃角報大牛曰若放我者逢石尚噉況水草耶大牛報曰此居士子愛念我等事同父母豈得違信誤彼人耶秃尾秃角曰雖實愛念恩同二親然常喚我為秃尾秃角我聞喚時即欲以角決破其腹大牛聞已默尔而住彼居士子時復來看問其牛曰

殊二

四

徐

得安隱不大牛報曰我且安隱汝不安隱居士子曰何意如此大牛具說居士子曰若如是者我於今夜當急逃走對王為誰命在須臾大牛報曰汝不須走當與秃尾秃角穿鼻安繩其紉促繫我角放出之日若彼違信食水草時我以雙角舉鼻令上汝即報言今此

二牛告第五護世世人共許有五種擁護者謂地水火風日時居士子遂與穿鼻秃尾秃角報大牛曰仁當觀此苦虐於我大牛曰與著瓔珞何苦之有便以拘紉繫大者頭至七日已王及諸臣親共觀視多水草田放牛令出秃尾秃角既見水草即便欲食是時大牛遂以雙角舉小牛鼻向日而望王問臣曰何意二牛向日而望時有智臣白言大王今此二牛意欲啓王說如是事非直我二為證亦兼告彼第五護世明明白日助我證知王見是事極生希有報諸臣曰畜生無知尚能為人而作保證事既非虛宜以彼女共為婚事便放二牛俱食水草時居士子既得勝已娶女為妻佛告諸苾芻汝等當知在傍生趣聞毀謗言尚懷害念况復於人是故苾芻不應惡語毀謗他人此是緣起猶未制戒佛復告諸苾芻乃往古昔於一村中有長者住以行車為業彼有二犍牛一名歡喜二名美味於

殊二

五

徐

春陽時各生一子毛色斑駁既漸長大歡喜之子其角廣長美味之兒頭禿無角是時長者為其立字一名歡喜長角二名美味禿頭及其壯盛俱有氣力後於思時諸行車人各因飲牛共集池所作如是言誰牛最勝各云牛勝長者答云我牛極勝何以得知可於峻

坂令牽重車共立明言賭金錢五百作是要已便將已牛於峻坂處牽其重車時彼長者便喚牛曰歡喜長角宜可疾牽美味禿頭亦當急挽時禿頭牛聞毀訾語即便却住不肯挽車長者大怒便以麈杖而拷楚之餘人報曰汝今豈欲殺此牛耶既其不如宜當放却是時長者便輸五百金錢極大忿怒多與牛杖繫之枯樹牛解人語已如上說長者報曰今由汝故罰我金錢牛曰由曹主口過長者曰我何口過牛曰何故人前辱毀於我若言好名不毀訾者更於峻坂牽倍重載共立明要倍賭一千長者報曰汝今更欲倍罰我耶

牛曰勿毀訾我定當盡力後時共他要契以牛牽車令上峻坂便喚牛曰歡喜宜可急牽美味當須疾挽二牛聞已便生歡悅盡力牽車令至平地亦既得勝便獲金錢一千時有天神於虛空中說伽他曰

雖有極重載 居在峻坂下 二牛心若喜 能牽出此車 若陳順意語 二牛聞慶悅 牽車出不難 主獲千金賞 是故常愛語 勿作逆耳言 若出愛語時 無非常安樂 佛告諸苾芻彼傍生類聞毀訾時尚能為主 作無利益何況於人是故汝苾芻等不應於他作毀訾語種種呵責廣說乃至我為二部

弟子制其學處應如是說 若復苾芻尼毀訾語故波逸底迦 尼謂此法中尼毀訾語者謂於他人為毀辱 事出言彰表他領解時得波逸底迦罪廣說 如上 此中犯相其事云何

殊二

六

捨

摠攝頌曰

種族及工巧

業形相病五

罪及煩惱類

惡罵為後邊

別攝頌曰

種姓織毛針

鐵銅及皮作

陶師并剃髮

木竹作并奴

若苾芻尼作毀訾語意往婆羅門種苾芻尼處作如是語聖者汝是婆羅門種出家今非沙門女非婆羅門女時彼苾芻尼聞是語已隨惱不惱此尼得惡作罪

若苾芻尼作毀訾語意往刹帝利種尼處同前作語廣說乃至隨惱不惱此尼亦得惡作罪

若往薜舍種尼處作如是語聖者汝是薜舍種出家今非沙門女非婆羅門女彼聞語已隨惱不惱此苾芻尼得波逸底迦已下諸文皆有隨惱不惱恐文多不譯

若苾芻尼作毀訾意往戍達羅種苾芻尼處作如是語聖者汝是戍達羅種出家今非沙

門女非婆羅門女彼尼聞已此尼得墮罪此論種族訖

若苾芻尼作毀訾意往婆羅門種苾芻尼處作如上語乃至非沙門女非婆羅門女汝今宜應學自工巧及諸伎術謂婆羅門所有威儀法式洗淨執瓶及取灰土讀誦規矩聲殊二

蓬聲四薜陀論作諸施會施受方法彼尼聞已此尼得惡作罪

若苾芻尼作毀訾意往刹帝利種尼處作如上語乃至汝今宜應學自工巧及諸伎術若刹帝利所有威儀法式謂乘馬車執持弓箭迴轉進趣執鈎執索排鑊之類斬截斫刺相

叔相撲射聲等術彼尼聞已同前得罪

若往薜舍種尼處作如上語廣說乃至汝今宜應學自工巧若薜舍所有威儀法式謂耕田牧牛及興易等彼尼聞已此得波逸底迦罪若往戍達羅種尼處作如上語廣說乃至汝應學自工巧若戍達羅所有威儀法式所謂

擔運樵薪餒餉諸畜彼尼聞已此得墮罪

若尼往織師種尼處作如上語乃至汝今宜應學自工巧所謂大氎小氎及披蓋物緝麻紵衣等彼尼聞已得罪同前

若往織毛種尼處作如上語乃至汝今宜應學自工巧所謂大小氎氈或厚或薄方圓座

褥等彼尼聞已此同前罪

若尼往縫衣種尼所作如上語廣說乃至汝今宜應學自工巧所謂頭帽衫襖大小襪袴彼尼聞已得罪同前

若往鐵師種尼所作如上語乃至汝今宜學自工巧所謂鐵針剃刀斧鑿等物彼尼聞已

此得波逸底迦

若往銅作種尼所作如上語廣說乃至汝今宜應學自工巧所謂銅盤枕等物彼尼聞已同前得罪

若往皮作種尼所作如上語乃至汝今宜應學自工巧所謂富羅鞋履鞍鞵坐具等物彼

尼聞已同前得罪

若往陶師種尼所作如上語廣說乃至汝今宜應學自工巧所謂瓶甌甔甌器等物時彼尼聞同前得罪

若往剃髮種尼所作如上語廣說乃至汝今宜應學自工巧所謂剃髮剪爪科理卷舒等

殊二

八

捺

事彼尼聞已同前得罪

若尼往木作種尼所作如上語廣說乃至汝今宜應學自工巧所謂牀座窻屋舍等事彼尼聞已餘如上說

若尼往竹作種尼所作如上說乃至汝今宜應學自工巧所謂箱箕席扇傘蓋鼻筒等事

彼尼聞已餘如上說

若尼往奴婢種尼所作如上說乃至學自工巧所謂與他濯足洗身驅馳作役等事彼尼聞已餘如上說此論工巧訖

若苾芻尼作毀訾意往婆羅門種苾芻尼所作如是語汝是婆羅門種出家非沙門女非

婆羅門女汝今宜應作其自業謂婆羅門所有威儀法式洗淨執瓶等業如前廣說彼尼聞已此得惡作罪如是利帝利令作自業廣說如前得惡作罪若薛舍忒達羅及餘諸類奴婢所作之業廣說如前准事應說加其器具而此苾芻尼得波逸底迦罪此論作業訖

若尼作毀訾意往破躰苾芻尼所作如是語汝是破躰出家非沙門女非婆羅門女時彼苾芻尼聞是語已此尼得波逸底迦罪如是乃至眇目盲瞎曲脊侏儒聾瘂拐行可惡相貌向彼說時彼聞語已此尼皆得波逸底迦罪此論形相訖

殊二

九

餘

若苾芻尼作毀訾意往病癩苾芻尼所作如是語汝是病癩出家非沙門女非婆羅門女彼尼聞已同前得罪如是身生疥癬禿瘡噎餓變吐乾消熱瘡風氣癩在水腫痔漏塊等所有諸病若苾芻尼作毀訾意往如是病尼所作如上語得罪同前

云何為罪若尼作毀訾意往苾芻尼所作如是語汝犯波羅市迦非沙門女非婆羅門女彼尼聞已同前得罪如是汝犯僧伽伐尸沙窣吐羅底也波逸底迦波羅底提舍尼突色訖里多非沙門女非婆羅門女彼尼聞已此苾芻尼同前得罪此論罪訖

云何煩惱若苾芻尼作毀訾意往苾芻尼所作如是說汝有瞋恚非沙門女非婆羅門女彼聞語已隨惱不惱同前得罪如是汝有根覆惱嫉慳諂誑無羞耻惡行邪見同前得罪是謂煩惱

云何惡罵若苾芻尼作毀訾意往苾芻尼所作種種鄙嫌語而為罵詈彼聞語已同前得罪無犯者為一住處有多同名苾芻尼若問他時他不識者應報彼云是如是種類婆羅門等苾芻尼說皆無犯

離間語學處第三

緣處同前時六眾苾芻於諸苾芻離間語時

諸苾芻共相怨恨生大慚耻各懷憂悒不能樂住廢修正業讀誦思惟久愛念心因斯斷絕時諸少欲苾芻聞是事已心生嫌賤作如是語云何苾芻於諸苾芻作離間語即以此緣白佛世尊集眾問實呵責乃至為二部弟子制其學處應如是說昔緣如大苾芻律

若復苾芻尼離間語故波逸底迦

尼謂此法中尼或更有流類離間語者若苾芻尼於他苾芻尼處作離間意所有言說得波逸底迦義如上說此中犯相其事云何摠攝頌曰

種族及工巧

殊二

業形相病五

十

罪及煩惱類

徐

惡罵為後邊

別攝頌曰

種謂是四姓

乃至於奴種

工巧事皆同

作業亦如是

於中有雜類

織師毛作針

鐵匠銅作人

皮作陶師種

剃髮并木作

及以竹作人

類有十一殊

奴最居於後

若苾芻尼作離間意往婆羅門種苾芻尼所作如是語聖者有苾芻尼云汝是婆羅門種出家非沙門女非婆羅門女問言是誰答云某甲彰其名者得惡作罪所說種族亦惡作罪利帝利種罪亦同前若薛舍等乃至於奴若彰其名及以種族皆得波逸底迦罪於中

廣說如毀訾語學處

發舉學處第四

緣處同前時六眾苾芻知和合眾如法斷諍已更於羯磨而相發舉乃至世尊呵責告曰我為二部弟子制其學處應如是說

若復苾芻尼知和合僧伽如法斷諍事已除

滅後於羯磨處更發舉者波逸底迦

尼謂此法中尼知者謂自解了說向他人和合者謂同一味眾者謂佛弟子如法斷者謂如律如大師教諍者四諍謂評論諍非言諍犯罪諍作事諍已除滅者謂事消殄後於羯磨更發舉者謂發舉其事令不止息墮義如

殊二

十一

徐

上此中犯相其事云何若苾芻尼於評論諍事作評論諍事想知事除滅作除滅想或復生疑更發舉者波逸底迦事不除滅作除滅突想疑更發舉者得色訖里多

若苾芻尼於評論諍事作非言諍事想知事除滅作除滅想或復生疑更發舉者波逸底迦餘犯同前若苾芻尼於評論諍事作犯罪諍事想知事除滅作除滅想或復生疑更發舉者波逸底迦餘犯同前若苾芻尼於評論諍事作非事諍事想知事除滅作除滅想或復生疑更發舉者得罪同前如以評論諍事為初望餘三諍而為四句餘諍為首類此應知

廣說摠有十六句有五種別人云何為五謂主人作羯磨人與欲人述自見人客人言主人者謂於諍事了初中後作羯磨人者謂於此諍事為秉羯磨與欲人者謂於當時而與其欲述自見人者謂作羯磨時說其自見客人者謂於諍事不了初中後於此五中初之

三人知和合眾於其諍事如法除殄更發舉其事者得波逸底迦後之二人於和合斷事更發舉者得突色訖里多境想句數如常應知獨與男子說法過五六語學處第五

緣處同前時鄔陀夷善解身相於日初分時執持衣鉢入室羅伐城次行乞食至婆羅門

居士舍為說隱密暴惡之相乃至世尊呵責

告諸苾芻我為二部弟子制其學處應如是

說廣緣如大苾芻律說

若復苾芻尼為男子說法過五六語除有知

女人波逸底迦

尼謂此法中尼男子者謂解善惡語不得過

五六語者若說五句法時故心至六若說六句法時故心至十法者若佛說若聲聞說說者謂口宣陳有智女人者謂知解女波逸底迦義亦如上此中犯相其事云何若苾芻尼以五六句為男子說法故心至六至七各得墮罪

殊二

十二

徐

與未近圓人同句讀誦學處第六

緣處同前時六眾苾芻與未近圓人同句讀誦便於住處作大呌聲如婆羅門誦諸外論又如俗眾在眾學堂中高聲習讀乃至為二部弟子制其學處應如是說

若復苾芻尼與未近圓人同句讀誦及教授

法者波逸底迦

尼謂此法中尼未近圓人者有兩種圓具謂苾芻苾芻尼餘並名為未圓具者言句者有同句前句云何同句謂圓具者云諸惡莫作時其未圓具者使共一時云諸惡莫作是名同句云何前句謂圓具者云諸惡莫作聲未

絕時其未具者同聲道此句遂在先云諸善奉行是名前句云何同字謂圓具者云惡字時未具者遂同時云惡是名同字云何前字謂圓具者云惡字聲未絕時其未具者同聲道惡字遂在先云何是名前字言讀誦者謂言領受言法者謂佛法及聲聞所說之法波

逸底迦者義如上說此中犯相其事云何若

苾芻尼於未圓具人作同句前句讀誦法者得根本罪前字同字亦同前得罪無犯者若口吃者若性急者若捷語者並無犯若教誦時若教問時亦無犯近圓圓具二義俱通

向未圓具說產罪學處第七

殊二

十三

徐

緣處同前時有苾芻由未離欲遂犯眾教求悔除罪行遍住法六眾告諸俗人今生不信廣說乃至世尊呵責告諸苾芻我今為二部弟子制其學處應如是說

若復苾芻尼知他苾芻尼有麁惡罪向未近圓人說者波逸底迦

如是世尊為諸苾芻尼制學處已室羅伐城有苾芻名曰廣額有苾芻尼名曰松幹時此二人於諸俗舍作汙家事現不善相遂使諸人不生敬信時諸尼眾白諸苾芻苾芻白佛告諸苾芻尼應差一尼於諸俗家告語諸人云廣額苾芻松幹苾芻尼所作非法若苾

芻尼不具五法即不應差設差不應遣去云何為五有愛恚怖癡不知說與未說若具五法應差應去謂翻前五應敷座席鳴犍雜眾既集已以言告知先當問能汝某甲能往諸俗家說彼二人所行非法不彼荅言能次一苾芻尼為白羯磨應如是作

大德尼僧伽聽此廣額苾芻松幹苾芻尼於諸俗家作諸非法遂令諸人不生敬信此苾芻尼某甲能往諸俗家說廣額苾芻松幹苾芻尼所行非法若尼僧伽時至聽者僧伽應許僧伽今差此苾芻尼某甲於諸俗家說廣額苾芻松幹苾芻尼所行非法白如是次作

羯磨

大德尼僧伽聽此廣額苾芻松幹苾芻尼於諸俗家作諸非法遂令諸人不生敬信此苾芻尼某甲能往俗家說廣額苾芻松幹苾芻尼所行非法若諸具壽許此苾芻尼某甲於諸俗家為說過人於諸俗家說廣額苾芻松

幹苾芻尼所行非法者默然若不許者說僧伽今已許差此苾芻尼某甲於諸俗家為說過者向諸俗家說廣額苾芻松幹苾芻尼所行非法由其默然故我今如是持

汝等苾芻尼我今為彼於諸俗家說過苾芻尼制其行法彼苾芻尼應至俗家作如是說

殊二

十四

徐

諸仁當聽有汗俗家者有汗出家者譬如田畦稻穀滋茂便遭霜雹遂令苗稼盡見摧殘又如甘蔗莖幹敷榮遭赤節病遂令損壞無有遺餘仁等當知彼二罪惡之人亦復如是仁等莫與共為雜住虧損聖教當知此人自身損壞猶如焦種不復生牙今於聖教法律

之中不能增長汝等當觀如來應供正遍知及觀上座尊者解了憍陳如尊者婆溼婆尊者無勝尊者賢善尊者大名尊者名稱尊者圓滿尊者無垢尊者牛主尊者善臂尊者身子尊者大目軋連尊者俱耻羅尊者大淮陀尊者大迦多演那尊者頻蚤迦葉尊者那他

迦葉尊者伽耶迦葉尊者大迦葉尊者難提如是等諸大苾芻汝當觀察又復觀大苾芻尼淮陀尼民陀尼波吒婆尼波吒折羅尼阿吒毗迦尼佉閃摩尼明月尼瘦喬荅彌尼蓮華色尼大世主尼如是等諸大尼衆汝當觀察時彼告令苾芻尼應於俗家如是告已即

出其舍時松幹苾芻尼聞斯事已告言汝於俗家說我過失耶彼便報言我得僧伽如法教令荅曰我於是事隨合不合當破汝腹次取中腸掛於樹上彼聞是語即大驚怖具告諸尼我今不能更於俗舍陳說其事諸苾芻尼白諸苾芻苾芻白佛佛言彼之癡人能欺

珠二

十五

徐

別人不能欺衆由是僧伽應作單白詳說其過敷座席鳴槌稚衆既集已應言告知令一苾芻尼應如是作大德尼僧伽聽此廣額苾芻松幹苾芻尼於諸俗家作非法事遂令多人不生敬信今無別人能於俗家說其過惡若僧伽時至聽者

僧伽應許僧伽今若見廣額苾芻松幹苾芻尼於諸俗家作非法處即應於彼說其過失白如是

如佛所教今諸尼衆於彼行處普告俗家隨知不知悉皆告語遂令衆人不生敬信使乞食者飲食難求即以此緣白佛佛言於諸俗家知彼苾芻尼行惡行處當說其過勿於不知處由此當知除僧羯磨爾時世尊讚歎持戒隨時宣說少欲法已告諸尼曰前是創制此是隨開方至應如是說

若復苾芻尼知他苾芻尼有鹿惡罪向未近圓人說除衆羯磨波逸底迦

尼謂此法中尼言近圓者有其二種謂苾芻苾芻尼餘名未具言鹿惡者有二種謂波羅市迦因起及僧伽伐尸沙因起此鹿惡者有二種相一自性鹿惡二因起鹿惡說者謂是彰露其事除僧羯磨者謂除大衆爲其作法波逸底迦義如上說此中犯相其事云何若

苾芻尼於不知俗家作不知想疑向彼說他
麁惡罪者得墮罪若苾芻尼於知俗家作不
知想疑向彼說者得惡作罪無犯者於不知
俗家作先知想若大眾詳說其事或時人眾
普悉知聞猶如壁畫人所共觀非我獨知說
皆無過

實得上人法向未圓具人說學處第八

緣處同前時眾多苾芻精勤練行繫念修習
貴說乃至得阿羅漢果皆向眷屬說其果利
顯已威德乃至呵責為二部弟子制其學處
應如是說

若復苾芻尼實得上人法向未近圓人說者
殊二 十六 徐

波逸底迦

尼謂此法中尼餘義如上實得者謂其事實
上人法等者此並如前大苾芻第四他勝廣
說此中犯相其事云何若苾芻尼無虛妄心
作實有想對未圓具人說得惡作罪於中別
者前他勝罪此云墮落前云麁罪此云惡作

誘迴眾利物學處第九

緣起廣說具如大苾芻律乃至制其學處應
如是說

若復苾芻尼先同心許後作是說諸具壽以
僧利物隨親厚處迴與別人者波逸底迦尼
謂此法中人先同心許者先許其事後作是

說者謂於後時作如是語隨親厚者謂親厚

二師與弟子同師等并餘親友知識彼此相
望並為親厚僧者謂佛弟子物利者有二種
一衣物利二飲食利此中利者謂是衣利已

至眾中迴與者謂以僧物轉與別人波逸底
迦者義並如上此中犯相其事云何若苾芻

尼隨有多少眾僧利物先同心許後作是說
者皆得墮罪若僧實不與輒自迴與者說時
無犯

輕呵戒學處第十

緣在室羅伐城佛告諸苾芻汝等半月半月
應說波羅底木又經時諸苾芻隨佛所教半

殊二

十七

徐

月說戒經時六眾苾芻聞說作如是語何故於我所有瘡疔數更傷損此小隨小戒半月半月數宣說時令諸苾芻聞心生憂惱發起追悔少欲苾芻皆生嫌耻乃至世尊呵責為二部弟子制其學處應如是說若復苾芻尼半月半月說戒經時作如是語

諸具壽何用說此小隨小學處為說是戒時令諸苾芻尼心生惡作惱悔懷憂若作如是輕呵戒者波逸底迦

尼謂此法中尼餘義如上言半月者謂一月分兩戒者謂從八他勝終至七滅諍經者是次第相應略說者謂宣說時具壽等者謂叙

述其情彰憂惱狀輕呵戒者謂出毀語以告前人墮義如上此中犯相其事云何若苾芻尼每於半月說八他勝時乃至說七滅諍時作如是語具壽何須說此小隨小戒令諸苾芻尼心生惡作者得波逸底迦或生惱悔憂熱或云思憶俗事或云不樂出家或云歸俗

作斯等語皆得墮罪如是應知於餘十六事處及雜事處尼陀那處目得迦等處及於律教相應經處及在餘處說此等時若苾芻尼作如是語何用說此小隨小戒說此之時令生惡作者咸皆墮罪若餘經處宣說之時作語令人惱悔等者亦惡作罪

根本說一切有部苾芻尼毗奈耶卷第十一

殊二

警咎音紫同眇目上免攀躄下必亦反背偃下

主侏儒上音拐行上音腫脚上音秃下音

反哆脣上音反齧齒上音反漸蔽下音反耕墾下音

販樵上音反田疇下音反外甥下音青稞下音

帝村隅下音廠庖上音反發憤下音

鎌音還嬰下音反詭下音反齋下音反穰下音反推延下音

回上音反淹下音反杖下音反曝下音反劬勞下音

爾上音德過上音反盟下音反曝下音反劬勞下音

却上音梓牛上音反斑駁下音反峻坂下音反要已下音

趨上音挽下音栲楚上音反薛舍下音反戾達下音反規下音

十八末

